

A n vèrech dai 10 mile sentadins

I era 9.982 i sentadins de Fascia ai 31 de dezember del 2011, ma l trend l'é semper positif. La sentadina più de età de Fascia la é del 1909

Popolazion – Ai 31 de dezember del 2011 te Fascia l'é stat dombrà 9.982 jent, 122 più che l'an dant, ma amò no se é rué a passèr via i 10 mile abitanc. Enceben chest, l trend te Fascia l'é semper positif percheche se va semper inant e la popolazion de noscia val cresc presciapech de 120 o 130 jent ogne an.

L paìsc con più abitanc de la Val l'é semper Moena (2.716), ma l Comun che l'é cresciù de più l'é chel de Vich, con n increment de popolazion de +45 sentadins. Chest ampò no vegn dal numer de nasciui, ma da la desferenza anter vegnui ite e se n jic e a se vadagnèr l tìtol de paìsc con più bec nasciui l'é enveze l Comun de Poza, che del 2011 l'à manà fora 23 zertificac de naa. Dassen na bona neva, che segna l bon stèr tel paìsc de Poza.

A jir a roda te duc i paìjes se veit



Davide Mazzel, l'ùltim sentadin ruà te Fascia del 2011, l di de Sèn Salvester.

che dò da Vich, l'é donca Poza (+42), Soraga (+19), Cianacei, Mazin e Moena duc treì con n increment per paìsc de +7 e dapò vegn Ciampedel che chest an l'é jit endò, con n decrement de -5.

Con chisc dac donca te Fascia la classifica di comuns dal più gran al più picol l'é chesta: Moena (2.716), dapò a roda vegn Poza (2.152), Cianacei (1.910), Vich (1.222), Ciampedel (743), Soraga (734) e Mazin (505).

Per n confront anter ic e eles se veit che del 2011 l'é nasciù più ic che eles ajache te béleche duc i paìjes de la val l'é nasciù più bec che bezes, fora che a Ciampedel che l'é dut eles e a Cianacei che l'é nasciù 12 picioles e 8 picioi. Su la popolazion entria enveze l'é più eles (5.056) che ic (4.926).

A jir endò ai 31 de dezember del 2001, se pel veder che enlouta siane 9.114 e l comun con più sentadins


l'era semper Moena (2.597), dapò vegnia Cianacei (1.823) e dapò Poza (1.785). Te diesc egn donca se veit che l paìsc che é cresciù de più l'é proprio Poza con 367 neves sentadins, dapò l'é Vich con n increment de 153, Moena con 119, Cianacei con 87, Mazin 65, Soraga 62 e Ciampedel con 15.

Chel che se veit amò dai dac l'é che la popolazion de Fascia la cresc soraldut de gra a la jent che vegn a stèr chiò te val: anter i 122 neves sentadins de più, troon na desferenza positiva de vegnui ite de +95 e una desferenza positiva de 27 nasciui. L'é segur n dat aldò di mudamenc globai ajache chisc neves vegnui ite l'é jent da paìjes foresc che vegn te Fascia per lurèr, etres che vegn a stèr chiò dò se aer enciasà te noscia val, e l'é ence vèlch nef sentadin de Fascia jit a stèr te cèsa de paussa.

Per serèr sù amò mingol de dac

Sentadins del Comun general a la fin del 2011

	ic	eles	en dut
nasciui	51	45	96
morc	40	29	69
vegnui ite	167	202	369
se n jic	126	148	274
al 01. 01. 2011	4.874	4.986	9.860
al 31. 12. 2011	4.926	5.056	9.982
Desferenza	52	70	122



Giovanni Lazzer, ruà ai 3 de jené a Ciampedel a ge fèr compagnia a sia picola sor Anna.

curiousc: la sentadina più de età de Fascia, con 102 egn, chest an l'é Maria Domitilla cognosciuda da duc desche la Mitzi, che demò dal 2011 la é sentadina residenta de Fascia. L'ùltim nasciù del 2011 l'é

l picol Davide Mazzel da Mazin fra de la picola Ilaria de 4 egn e fi de Claudia Longo e Paolo Mazzel. Enveze l prum nasciù del 2012 l'é stat a Ciampedel e l'é l più picol de la familia de Vigilio Lazzer. (vr)



Maria Domitilla (Mitzi) Bernard, nasciuda ai 12 de setember del 1909, l'é la sentadina più de età de la val.

Moviment demografich te Val de Fascia te l'an 2011

	Moena			Soraga			Vich			Poza			Mazin			Ciampedel			Cianacei		
	ic	eles	en dut	ic	eles	en dut	ic	eles	en dut	ic	eles	en dut	ic	eles	en dut	ic	eles	en dut	ic	eles	en dut
nasciui	12	10	22	7	2	9	9	6	15	14	9	23	1	1	2	-	5	5	8	12	20
morc	15	7	22	1	4	5	7	1	8	7	5	12	2	2	4	3	6	9	5	4	9
vegnui ite	31	47	78	21	15	36	29	32	61	36	52	88	14	16	30	14	13	27	22	27	49
se n jic	25	46	71	11	10	21	13	10	23	29	28	57	11	10	21	13	15	28	24	29	53
al 01. 01. 2011	1.338	1.371	2.709	368	347	715	608	569	1.177	1.039	1.071	2.110	246	252	498	360	388	748	915	988	1.903
al 31. 12. 2011	1.341	1.375	2.716	384	350	734	626	596	1.222	1.053	1.099	2.152	248	257	505	358	385	743	916	994	1.910
Desferenza	3	4	7	16	3	19	18	27	45	14	28	42	2	5	7	-2	-3	-5	1	6	7